


清代起居注冊

國立故宮博物院珍藏



同治朝 第二十六冊

第1章

效果图制作必学知识大公开

本章学习要点



- 光与影
- 构图技巧
- 色彩与风格
- 室内人体工程学
- 室内风水学



清代起居注冊 — 同治朝

(清) 桂清楊等奉敕撰 民國72年 臺北市 聯合報
文化基金會國學文獻館印行 影印本

43冊 21公分

據國立故宮博物院藏手稿本影印
聯經出版事業公司總經理

I. (清) 桂清楊等奉敕撰

654.78

7436

72

NT\$ 86,000.00

72 · 12 · 0650

· 89007183 ·

清代起居注冊

同治朝第二十六冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五五七號

電話：七六〇一六一六一二一七

郵撥：一〇〇五五九號

行政院新聞局登記證局版臺業字〇一三〇號
保有版權·翻印必究

中華民國七十二年十二月初版

咸同兩朝共壹佰冊
定價每部新台幣八六〇〇元

同治六年歲次丁卯五月初一日癸丑

上詣綏履殿

母后皇太后前請安平安室

聖母皇太后前請安內閣奉

諭旨前因自春入夏雨澤稀少屢經開壇祈禱並

親詣

大高殿拈香雖蒙

昊貺得有甘霖尚未普霑渥澤現在節臨芒種農田
待澤尤殷允宜再行敬謹祈禱朕於本月初七

日親詣

大高殿虔申叩禱派惇親王奕諱恭祀

天神壇恭親王奕訢恭祀

地祇壇鍾郡王奕詒恭祀

太歲壇並派肅親王華豐詣覺生寺仍派怡親王

載敦詣

黑龍潭拈香

時應宮著派惠郡王奕詳

昭顯廟著派禮親王世鐸

宣仁廟著派睿親王德長

凝和廟著派豫親王義道拈香均著先期齋宿
於初七日分詣行禮同申叩禱所有

大高殿道衆祈禱覺生寺僧衆諷經及輪班上香住宿之王大臣等仍著敬謹將事以迓和甘其原派常川住宿之廣毓著改派毓清並派鄭親王承志前往密雲縣

白龍潭拈香所有一切應行典禮該衙門敬謹豫備又奉

諭旨李瀚章奏請將經徵錢糧年內全完各員分

別議叙一摺湖南瀏陽等州縣上年額征地丁
錢糧均能依限催征於年內掃數完解自應量
予獎叙以昭激勸所有額征錢糧三萬兩以上
年內全完之瀏陽縣知縣王汝惺衡陽縣知縣
羅慶薌署邵陽縣知縣潘兆奎均著給予隨帶
軍功加一級額征二萬兩以上年內全完之署
清泉縣知縣劉采邦甯鄉縣知縣郭慶颺零陵

縣知縣德鈞澧州直隸州知州魏式曾均給予
加一級該部知道

是日

起居注官鐵祺馬恩溥

初二日甲寅

上詣綏履殿

母后皇太后前請安平安室

聖母皇太后前請安內閣奉

諭旨福建汀漳龍道員缺著文吉補授又奉

諭旨御史劉秉厚奏請修仁政以迓和甘一摺本

年雨澤愆期屢經虔誠祈禱尚未渥沛甘霖亟
宜修明仁政以冀感格

穹蒼近來捻逆竄擾被難小民流離失所甚至有被
兵弁誣殺者殊傷天地之和著各該督撫妥為

賑恤不准兵弁擅行殺害至兵勇為國捐軀家
屬窮無所歸尤宜軫恤著各該督撫留心訪查
其孤苦無依者即行設法養贍民間棄溺子女
久干例禁流離轉徙之際更恐不免著多設育
嬰堂廣為收養其被擾地方屍骸未經掩埋及
向來浮厝棺木並著該地方官廣為曉諭速行
瘞葬免致暴露各該地方官皆當實力奉行用

廣仁恩而資感召將此通諭知之又奉

諭旨德長現在告假本月初七日

宣仁廟拈香著改派貝勒載治又奉

諭旨瑞麟蔣益澧奏故員虧短錢糧家屬潛匿請

將伊子革職勒追一摺已故翁源縣知縣王惠

溥虧欠各年地丁錢糧等項共銀五千一百九

十餘兩之多經瑞麟等札飭該故員親子王為

楨趕緊完解數月之久既未完解分釐亦無隻
字稟復復藉詞措資潛行逃匿實屬有心抗延
廣東候補鹽大使王為楨著先行革職通行各
屬傳解來省如該員已回浙江原籍即著浙江
巡撫派員押解回粵勒令算清交代限兩個月
將王惠溥征存虧短各欸掃數清完倘逾限不
完即著從嚴叅辦該部知道是日禮部題年逾

百歲之四川忠州壽民楊俸德准

旌奉

諭旨楊俸德著加恩賞給上用緞一疋銀十兩餘

依議

是日

起居注官惠林景其濬

初三日乙卯

上詣綏履殿

母后皇太后前請安平安室

聖母皇太后前請安內閣奉

諭旨奉天錦州府知府員缺著慶愛補授又奉

諭旨御史朱鎮奏訪聞殉難紳民婦女請卹一摺

江蘇各州縣前被髮捻各逆竄擾該紳民婦女
等或遇賊被害或不屈殉節均堪憫惻該御史

籍隸江蘇見聞較確所有單開之監生管子榮
等七十六名口著該部查明除業經給予卹典
外餘俱照例分別旌卹並准各該縣紳民於本
籍死事地方自行捐資建祠以彰節烈單併發
是日兵部題貴州儘先都司孟玉欽擬補鎮
遠鎮標右營都司奉

諭旨孟玉欽依擬用餘依議

是日

起居注官文奎夏同善

初四日丙辰

上詣綏履殿

母后皇太后前請安平安室

聖母皇太后前請安內閣奉

諭旨衍秀奏拏獲偷竊行宮物件人犯一摺兵丁